

宗祠远景序言与颂词

据堪舆家云吾族宗祠前有六峰拱秀后有双龙贯气左有九狮右有一象本身是一条卧福牛名曰九狮拜象前景大有可为就这一谈

法按唐诗杜甫颂『蜀相』一诗体裁写成七律一首

颂 祠

杨氏祠堂何处寻 卧牛山下有仙景

双龙贯气来相助 六峰拱秀镇乾坤

左狮回头荣向祖 右象盘踞护君宗

馨香俎豆何山寿 世代福泽长有功

九世嗣孙辉邱拜题

肇修祠续捐祀产兼桃大宗碑记

我族自先人敬宗收族於道光庚寅创建族祠兼置祀产岁入租谷五十馀硕虔供祀事垂数十年矣迄今人丁繁衍春秋两祀每逢岁歉入不敷出而从中俭省又恐豚肩不掩豆非所以将敬爰集房族商订续捐均欣然乐从不日而成因思族中尚有事宜速举者先是大宗贤公传四世中歇前人尝议继续奈无遗产

久未有成幸逢续捐正可酌量行事公议自今立继於续捐项下每岁给膳大宗租谷二十硕正早晚各半在经理人处支领不准给产自理不准分产自耕杜剥蚀期永远也倘继子不妥听闾族数其过恶而更易期有成也迨该支丁繁自然贤能间出可期光大所给租谷岁以为常日后不得从而减少亦不得再行加多事既成应述 始末及乐捐芳名泐石以垂不朽云

时

清光绪宣十卅年岁次乙未十二月谷旦

笃庆祠义学兼义田碑记

古王者建国君民教学为先故家有塾党有庠术有序国有学皆所以为教而小成大成於是该焉我族自国初世居浏南杨家坳迄今二百餘年生齿日繁虽家弦户诵代有传人然家塾未立非所以广门庭之教育泽后人以诗书也今者纠房集议捐金购产创建义学俾通族子弟人塾肄习束修有备幸慷慨乐输共襄厥成食旧德先畴犹想见我族於前人好义之风与亲亲之谊正自未远从此重道尊师成人有德小子有造庶几门闾愈大继先世而永兴矣抑又闻之先王发政施仁必先於无告者因之兼立义庄亦惟推一本之义恤此无告者而已事既成并泐捐名於左以垂不朽云

清光绪二十五年岁次己亥冬月

谷旦立